



№ 59/10 - 5

20 20yil " 11 " 2020

Худудга коронавирус инфекцияси кириб келишининг олдини олиш, аҳоли орасида соғлом турмуш тарзини кенг тарғиб қилиш, санитария ва гигиена қоидаларига амал қилиш борасида кўрилаётган чоралар натижадорлиги тўғрисида

“Маҳаллий давлат ҳокимияти тўғрисида”ги Ўзбекистон Республикаси Қонунининг 6 ва 24-моддаларига асосан ҳамда Учтепа туманида бирламчи тиббий-санитария ёрдами муассасаларининг фаолиятини такомиллаштириш ва янада яхшилаш мақсадида Халқ депутатлари Учтепа туман Кенгаши,

ҚАРОР ҚИЛАДИ:

1. Учтепа тумани худудий тиббиёт бирлашмаси бошлиғи (М.Дадаходжаева)нинг Худудга коронавирус инфекцияси кириб келишининг олдини олиш, аҳоли орасида соғлом турмуш тарзини кенг тарғиб қилиш, санитария ва гигиена қоидаларига амал қилиш борасида кўрилаётган чоралар натижадорлиги тўғрисидаги ҳисоботи маълумот учун қабул қилинсин.

2. Учтепа туман марказий кўп тармоқли ва оилавий поликлиникаларига:

- аҳолига энг кўп учрайдиган касалликларни профилактика қилиш ва даволаш бўйича алоҳида беморлар ҳамда бутун оила даражасида тиббий хизматлар кўрсатиш;

- аҳолига малакали бирламчи, биринчи навбатда касалликларни профилактика қилиш масалаларида тиббий-санитария ёрдами кўрсатиш, туғруқ ёшидаги аёллар, ўсмир қизлар, хомиладор аёллар, болалар, шунингдек ёлғиз кексалар, ногиронлар, сурункали касалликларга чалинган беморлар ҳамда ўзгалар кўмагига ва ижтимоий ёрдамга муҳтож шахслар ўртасида доимий патронаж ишларини амалга ошириш;

- оилада тиббий маданиятни ошириш ва ҳар бир кишининг ўз саломатлиги ва болалари саломатлиги учун масъулиятини оширишга йўналтирилган дастурларни амалга ошириш орқали аҳоли ўртасида соғлом турмуш тарзи асосларини шакллантириш ва мустаҳкамлаш;

- аҳоли ўртасида баркамол соғлом авлодни тарбиялашга, она ва бола саломатлигини муҳофаза қилишга, тиббий этика ва деонтология, санитария-гигиена кўникмалари, оқилона овқатланиш қоидаларига риоя этишга, туғма

патология ва ирсий касалликларни камайтиришга йўналтирилган профилактика тадбирларини ташкил этиш ва амалга ошириш;

- миллий календарга биноан профилактика эмлашларини ўтказиш йўли билан бошқариладиган инфекциялар ва уларнинг асоратларини профилактика қилиш;

- юқумли бўлмаган касалликларга чалиниш хавфи омилларини барвақт аниқлаш механизмларини жорий этиш йўли билан аҳоли ўртасида касалликка чалиниш, ногиронликни ва барвақт ўлимни профилактика қилиш;

- малакали мутахассисларни жалб этган ҳолда, клиник, биокимёвий лаборатория ва инструментал тадқиқотлар ўтказиш орқали аҳолининг бевосита яшаш жойларида профилактик тиббий кўриклар ташкил этиш йўли билан касалликларни барвақт аниқлаш ва уларнинг сурункали касалликларга айланиб кетишига йўл қўймаслик;

- юқумли касалликлар, захарланишлар ва фавкулудда вазиятлар тўғрисида тегишли хизматларни ўз вақтида хабардор қилиш, шунингдек, санитария-гигиена ва эпидемияга қарши тадбирларни, бириктирилган участкани ва уй хўжаликларини санитария жихатидан хотиржамлиги юзасидан умумий назоратни амалга ошириш, юқумли касалликлар ўчоқларида обсервация тадбирларини ўтказиш, аҳолини хавфли эпидемик вазият тўғрисида огоҳлантириш ишлари олиб борилсин.

3. Туман ҳокимининг ўринбосари (Б.Мирзаев), туман ҳудудий тиббиёт бирлашмаси (М.Дадаходжаева):

Учтепа туманида соғлиқни сақлаш соҳасидаги мавжуд муаммоларни бартараф этиш бўйича иш фаолиятларини жадаллаштириш, бирламчи тиббий-санитария ёрдами муассасаларининг фаолиятини такомиллаштириш ва янада яхшилаш мақсадида қўшимча дастурлар ва аниқ йўналтирилган чора-тадбирларни ишлаб чиққан ҳолда таъсирчан мониторинг олиб бориш вазифаси юклатилсин.

Туман ҳудудий тиббиёт бирлашмасида коронавирус инфекцияси тарқалишининг олдини олиш бўйича чора тадбирлар ва карантин қоидаларига риоя қилган ҳолда иш фаолиятини олиб борилиши кучайтирилсин.

4. Ушбу қарор ижросини назорат қилиш Халқ депутатлари Учтепа туман Кенгашининг Ижтимоий-маданий соҳани ривожлантириш, оила, хотин-қизлар ва ёшлар, нодавлат нотижорат ташкилотлари ва фуқаролик жамиятининг бошқа институтлари билан ҳамкорликда ишлаш масалалари бўйича доимий комиссияси зиммасига юклатилсин.

**Халқ депутатлари Учтепа
туман Кенгаши раиси**



Ф.Абдуллаев



№ 60/10 - II

20 20 yil " 11 " sentabr

Инвестицияни жалб қилиш, инвесторлар учун яратилаётган қулай шароитлар ҳамда инвестиция лойиҳаларини амалиётга кенг татбиқ этиш борасида кўрилаётган чоралар ҳамда инвестиция дастурларининг бажарилиш ҳолати тўғрисида

Ўзбекистон Республикаси “Маҳаллий давлат ҳокимияти тўғрисида”ги Қонунининг 6, 24-моддаларига асосан ҳамда 2017-2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясида белгиланган вазифаларни ижросини таъминлаш мақсадида, халқ депутатлари Учтепа туман Кенгаши

Қ А Р О Р Қ И Л А Д И:

1. Туман ҳокимининг ўринбосари – инвестициялар ва ташқи савдо бўлими бошлиғи О.Камиловнинг “Инвеститцияни жалб қилиш, инвесторлар учун яратилаётган қулай шароитлар ҳамда инвестиция лойиҳаларини амалиётга кенг татбиқ этиш борасида кўрилаётган чоралар ҳамда инвестиция дастурларининг бажарилиш ҳолати тўғрисида”ги ҳисоботи маълумот учун қабул қилинсин.

2. Туман ҳокимининг ўринбосари – инвестициялар ва ташқи савдо бўлими бошлиғи (О.Камилов), туман ҳокимининг Молия-иқтисодиёт ва камбағалликни қисқартириш масалалари бўйича биринчи ўринбосари (А.Хужанов), тегишли тузилма ва ташкилот раҳбарлари билан биргаликда:

Ўзбекистон Республикаси Президентининг 2020 йил 24 апрелдаги “Коронавирус пандемияси даврида аҳоли, бюджет, базавий инфратузилма ва тадбиркорлик субъектларини қўллаб-қувватлаш учун ташқи ёрдам маблағларини жалб қилиш чора-тадбирлари тўғрисида” ги ПҚ-4691-сон қарори ижросини таъминлашни янада кучайтирилсин;

Инвестиция лойиҳаларини самарадорлигини ошириш ва ривожлантириш, хорижий инвестицияларни кенг жалб этиш, улардан

мақсадли фойдаланиш, ушбу мақсадларда манфаатдор давлат идоралари билан ижтимоий шерикчиликни йўлга қўйиш кучайтирилсин.

3. Ушбу қарор ижроси назорати халқ депутатлари халқ депутатлари Учтепа тумани Кенгашининг Саноат, транспорт, қурилиш, алоқа ва аҳолига хизматлар кўрсатиш масалалари бўйича доимий комиссия масалалари бўйича комиссияси ва туман ҳокимининг ўринбосари – инвестициялар ва ташқи савдо бўлими бошлиғи О.Камилов зиммасига юклатилсин.

**Халқ депутатлари Учтепа
туман Кенгаши раиси**



Ф.Абдуллаев



№ 62/10-й

2020 yil "11" июнь

Эхтиёжманд оилалар рўйхати (“темир дафтар”) асосида уларга манзилли ёрдам кўрсатилиши ва аҳоли хусусан, хотин-қизлар ва ёшларнинг бандлигини таъминлаш бўйича амалга оширилаётган ишлар тўғрисида

Ўзбекистон Республикаси Вазирлар Маҳкамасининг 2020 йил 22 апрелдаги 213-Ф-сонли Коронавирус инфекцияси тарқалишига қарши курашиш ва бошқа глобал хавф-хатарлар даврида халқимизнинг тарихий ва маънавий қадриятларини, меҳр-саҳоват, оқибат ва ҳиммат каби юксак фазилатларини инобатга олган ҳолда, аҳолини самарали ижтимоий қўллаб-қувватлаш мақсадида туман Маҳалла ва оилани қўллаб-қувватлаш бўлими томонидан ШТАБ тузилган эди. Мазкур ШТАБ аъзолари ҳар бир секторга бириктирилиб, маҳаллалардаги оилаларга кўрсатилаётган моддий ёрдамлар тўғрисидаги маълумотларни онлайн тарзда <http://saxovat.argos.uz/> электрон манзилига киритиш бўйича сектор котиблари билан фаолият олиб бормоқдалар.

Маҳалла ва оилани қўллаб-қувватлаш бўлими ШТАБ аъзолари томонидан шакллантирилган рўйхатлар қайта таҳлил этилди ва 4508 нафар фуқаролар қуйидаги йўналишларга бўлинди:

- кам таъминланганлар сони-35 та;
- Ижтимоий химояга мухтожлар сони- 807 та;
- Ногиронлиги бўлган фуқаролар сони -1121 та;
- Якка ёлғизлар сони-236 та;
- Ишсизлар сони-189 та;
- Карантин сабабли доимий манбаидан маҳрум бўлганлар сон –2772 та.

Шунингдек, 2020 йилнинг май ойида ўрганилган 4508 нафар фуқароларнинг 4365 нафарига пластик карталар ва темир дафтарлар тарқатилди, пластик карталарга белгиланган миқдорда пул маблағлари тушурилди, 143 нафар фуқароларнинг пластик карталари турли сабабларга кўра рад этилиб, рўйхатдан чиқарилди.

4365 нафар фукаронинг пластик картасига жами 2182,5 млн. сўм маблағ тушурилди. Шунингдек, Учтепа туманидаги 945 нафар фукарога Миллий банк Учтепа тумани филиали томонидан 2,5 млн сўм маблағ берилган. Уларнинг 13 нафар рўйхатга янги киритилган.

Туманда бугунги кунда жами 245 та оғир турмуш шароитида яшаётган оилалар мавжуд бўлиб, ушбу оилаларда яшовчи 74 нафар аёллар якка-ёлғиз ҳисобланади. Жорий йилнинг 3 ойи давомида Маҳалла ва оилани қўллаб-қувватлаш туман бўлими томонидан ушбу оилаларнинг 137 тасига тиббий ёрдам кўрсатилган. Ушбу хонадонларда яшовчи хотин-қизларга пластик карталар очилиб, моддий ёрдам кўрсатилди. Шу билан бирга мазкур хонадонларга пандемия пайтида озиқ-овқат маҳсулотлари ҳам бериб келинмоқда. Ушбу аёлларнинг 87 нафарини маиший техникага муҳтожлиги аниқланиб, йил якунига қадар эҳтиёжини қоплаш режалаштирилди.

Коронавирус пандемияси ва карантин даврида ижтимоий ҳимояга муҳтож, кўп фарзандли оилаларга, ногиронлиги бўлган шахсларга ва ёлғиз қарияларга, ўз даромадини йўқотган вақтинча ишсиз бўлган жисмоний шахсларга кўмаклашиш мақсадида, халқ депутатлари Учтепа туман Кенгаши,

Қ А Р О Р Қ И Л А Д И:

1. Маҳалла ва оилани қўллаб-қувватлаш бўлими бошлиғи З.Азимбаеванинг “Эҳтиёжманд оилалар рўйхати (“темир дафтар”) асосида уларга манзилли ёрдам кўрсатилиши ва аҳоли хусусан, хотин-қизлар ва ёшларнинг бандлигини таъминлаш бўйича амалга оширилаётган ишлар тўғрисида” ги ҳисоботи маълумот учун қабул қилинсин.

2. “Саховат ва кўмак” умумхалқ ҳаракати доирасидаги ишларни манзилли йўлга қўйиш мақсадида Учтепа тумани сектор раҳбарларининг ҳар бир маҳалла кесимида шакллантирилган (тоифаси бўйича) ишсиз, кам таъминланган, ижтимоий ҳимояга муҳтож ва ногиронлиги бўлган аҳолининг янги рўйхати иловага мувофиқ тасдиқлансин.

3. Маҳалла ва оилани қўллаб-қувватлаш бўлими (З.Азимбаева) томонидан “Саховат ва кўмак” умумхалқ ҳаракати доирасидаги олиб борилаётган ишлари янада кучайтирилсин.

4. Туман бандликка кўмаклашиш маркази (А.Камилов)га

Хотин-қизлар ва ёшларнинг бандлигини таъминлаш ҳамда уларни қўллаб-қувватлаш бўйича чора-тадбирлар дастури ишлаб чиқилсин;

Тумандаги аҳолини ишсиз қатламини аниқлаб, маҳалла фуқаролар йиғинида ташкил қилинган жамоатчилик ишларига жалб қилинсин;

Жамоатчилик ишларига жалб қилинган аҳолига иш ҳақлари вақтида молиялаштириб борилсин;

5. Мазкур қарорни назорат қилиш халқ депутатлари Учтепа туман Кенгашининг Ижтимоий-маданий соҳани ривожлантириш, оила, хотин-қизлар ва ёшлар масалалари бўйича доимий комиссияси (М.Арипова) зиммасига юклатилсин.

**Халқ депутатлари Учтепа
туман Кенгаши раиси**

A handwritten signature in blue ink, consisting of a circular mark with a vertical line through it, followed by a long, sweeping curve that extends downwards and to the left.

Ф.Абдуллаев